

四庫全書

集部

欽定四庫全書

集部

南宋禋事詩卷一

詳校官監察御史臣孫家賢

主事銜臣徐以坤覆勘

覆校官編修臣汪鏞

校對官助教臣羅萬選

謄錄監生臣趙興文

欽定四庫全書

集部八

南宋襟事詩

總集類

提要

臣等謹案南宋襟事詩七卷

國朝沈嘉轍吳焯陳芝光符曾趙昱勵鶚趙信  
同撰嘉轍字樂城焯字尺鳧曾字幼魯鶚字  
太鴻皆錢塘人芝光字蔚九昱字功千信字  
意林皆仁和人惟曾以薦舉官至戶部郎中

鶚以康熙庚子舉於鄉餘皆終於諸生是書  
以其鄉為南宋故都故撫摺輒聞每人各為  
詩百首而以所引典故註於每首之下意主  
紀事不在修詞故警句頗多而牽綴填砌之  
處亦復不少然援据浩博所引書幾及千種  
一字一句悉有根柢萃詠部之菁華采詞家  
之腴潤一代故實巨細兼該頗為有資於考  
證蓋不徒以文章論矣乾隆四十一年十月

恭校上

總纂官臣紀昀臣陸錫熊臣孫士毅

總校官臣陸費墀



欽定四庫全書

南宋禱事詩卷一

錢唐沈嘉轍撰

龍蔥佳氣儷山川南渡開基大寶傳為有文章京樣好  
中興留得幾遺編

宋會要紹興元年內殿宣示大宋受命中興之寶中興御府藏玉寶十有一曰鎮國神寶二曰受命寶三曰天子之寶四曰天子信寶五曰天子行寶六曰皇帝之寶七曰皇帝信寶八曰皇帝行寶九曰大宋受命之寶十曰定命寶十一曰大宋受命中興之寶方輿勝覽陰月香水影之清文章京樣覽雲陣銀山之壯意氣天泰玉海建炎三年胡安國上中興策十四篇紹興二年權邦衡獻中興十議四年汪藻

上建炎中興詔旨三十七冊七年林保獻中興龜鑑  
八年李昌言進中興要覽十篇九年汪伯彥上建炎  
中興日歷五卷十二年漢州布衣陳靖獻中興論統  
淳熙十二年上中興禮書先是紹興元年趙子書上  
言政和宣和因革禮渡江後皆失請事加修纂至是  
書成賜名中興禮書嘉泰二年費士寅等續纂中興  
禮書八十卷又李綱編建炎中興記三卷張浚進中  
興備覽四十一篇李壁中興戰功錄敘云中興十二  
處戰功列於銓法熊克撰中興紀事本末一名中興  
小歷文獻通考梁克家等上中興會要二百卷何異  
撰中興百官題名五十卷案以上諸目惟禮書續  
禮書備覽戰功錄紀事本末會要百官題名並見於  
文淵閣書目而文淵閣所藏更有中興聖政中興百  
官年表中興編年備考中興繫年錄中興政要中興  
大事記內閣書目有施清臣中興三朝聖訓焦氏經  
籍志有陳均中興編年舉要萊竹堂書目有中興目



錄絳雲樓書目有中興繫年要錄大抵中興諸書見於諸簿錄者可考也其不錄者皆佚已惟焦氏所載高宗實錄五百卷孝宗實錄五百卷光宗實錄一百卷寧宗實錄三百卷此據宋史藝文志而列之未必有完書也

炎炎大詔下彤階  
摩勒青珉兩壁排  
喜得華恩加上舍  
明朝宰相送光齋

古文淵鑑宋高宗幸學手詔朕聞周建外史掌五帝三皇之書漢選諸儒定九流七略之奏文德之盛後世推焉仰惟祖宗開建冊府凡累朝名世之士由是以興而一代致治之原蓋出於此朕嘉與學士大夫共宏斯道乃一新史觀新御榜題肆從望幸之忱以示右文之意嗚呼士習為空言而不為有用之學久

矣爾其勉修術業益勵猷為一德一心以共赴亨嘉之會用丕承我祖宗之大訓顧不善歟 曝書亭集  
宋高宗御書石經紹興十三年知臨安府張璪摹石  
淳熙四年詔知府趙磻老建閣於太學題曰光堯石  
經之閣元時楊璉正加造白堦於行宮故址取石壘  
堦杭州路廉訪經歷中屠致遠力持不可已損其什  
一明嘗熟吳訥乾州宋廷佐先後按浙或覆之廊或  
甃以甌甌崇正末廊圯嵌諸壁中左易二書六詩十  
有二禮向有學記經解中庸儒行大學五篇今惟中  
庸片石存爾其南則理宗大書御製序四碑右則春  
秋左氏傳四十八碑闕其首卷通計八十七碑非足  
本矣秦檜一跋吳訥推碎其詞見學士院中興紀事  
本末君子無取也 楓窗小牘思陵以萬幾之暇御  
書六經論語史記列傳刊石立於太學 王宗沐續  
資治通鑑紹興十三年作太學以岳飛宅為之在前  
洋街 宋史紹興十三年七月國學大成殿告成奉

安廟像明年二月國子司業高闕請幸學上從之帝  
遂作先聖及七十二子贊冠以序文親灑宸翰揭之  
大成殿上二十六年石刻於國子監淳熙四年孝宗  
幸太學嘉泰二年寧宗幸太學淳祐元年理宗幸太  
學咸淳三年度宗幸太學朝野雜記太學養士最  
盛於崇光間紹興中詔以七百人為額上舍生三十  
員內舍生百員外舍生百七十員每三年科場率四  
人而一若即行校藝而升上者則不待選舉而徑釋  
褐焉癸辛雜識太學先達歸齋各有光齋之禮宰  
執則送純金碗一隻狀元送鍍金魁星杯梓一副漕  
帥新除各齋有十八界送二百千酒十尊又  
學規輕者闕暇重者前廊闕暇又重則遷齋

百寮印信久無存遺得龍章守子孫三百餘年十五押

誰知制誥代天言

朱子語錄南渡後印信散失諸司往往借用舊印有以不便請者又因費重而止或問朱子奏狀借用縣印否曰豈惟縣印尉印亦可借嘗見縣丞借用漕使印諸司舊印借用上下彼此皆所不計寶齋雜著余家蓄有建炎勅文一紙孟御史陸銑安撫兩河時所受書以淡墨可二寸許筆勢飛動題建炎元年七月十八日璽識分明正思陵手筆蓋此時兩河尚在版圖也璽墩文集有題蘄水程氏所藏南宋錄用伊川先生子孫語癸辛雜志宋十五帝御押圖太祖在太祖元押真宗在太宗元押仁宗在英宗神宗在哲宗徽宗在欽宗高宗在孝宗光宗在寧宗且理宗在度宗靈雪錄嘗聞宋故事惟押字上親書有押字則不用寶說略宋勅俱草書後用三省長官僉押三朝北盟會編高宗得開圖書匠舒通能刊金銀銅圖書取縷塵白字令刊白文為璽由是人

皆效之

雄才始事氣方酣一尺書函懇再三可惜聲聲蘇武令

### 至今遺恨論江南

朝野雜記靖康末高宗與李忠定公書構頓首頓首  
天未悔禍乘輿蒙塵問之心馬如割已令會兵逐擊  
冀遂奉迎而歸方今生民倒懸諒非不世之才何以  
協濟閣下學窮天人忠貫金石是用盡復公舊職澤  
被斯人功垂竹帛乃公素志想投袂而起以振天人  
之溺以副蒼生之望所祝道中倍如保護謹啟構頓  
首觀此則高宗屬意於忠定可見矣詞譜紹興初  
都下盛傳蘇武令一詞聲韻凄楚言是李綱丞相作  
歷代臣鑑王倫使北還綱疏曰今倫之歸與金使  
偕來乃以招諭江南為名不著國號而曰江南不云

通問而曰招諭此何禮也陛下其勿輕許按李綱伯紀撰梁溪集一百八十卷蒲室集題高宗書云高宗為中興之主不能用李綱宗澤深為可惜然慈仁謹儉可謂守文之主肇運中興亦有由也

小臣觸諱玉墀東聖主天懷寫至公一點君心千古事  
兒孫何地敢忘忠

吹劍錄高宗策進士有犯御名者上曰朕豈以已妨人進取歷代臣鑑韓世忠得疾戒家人曰吾名世忠汝曹毋諱忠字諱而不言是忘忠也玉海例言宋時極重廟諱如桓譚為亘譚荀勗為荀勉魏徵為魏證及貞觀作正觀亂征作嗣征宮縣作宮垂桓圭作植圭姤卦作遇卦此類甚多日知錄朱子周易本義姤卦下以故為姤作姤為遇避高宗嫌名也鼠璞本朝避嫌名如勾姓本避高宗諱故改音鈞後

武加金於傍或加絲於傍或加草於上或改為句或  
增為勾龍實同一句也今讀勾踐作平聲者本此  
史緯勾龍如淵永康軍人勾姓本古勾芒高宗即位  
避御名更勾為龍因呼為勾龍氏五雜組真德秀  
原姓慎因避孝宗諱而改又宋時避君上之諱最  
嚴宋版諸集中凡嫌名皆闕不書如英宗名曙而署  
樹皆云嫌名不知樹音原不同曙也欽宗名桓而完  
亦云嫌名不知完音原不同桓也仁宗名貞而貞觀  
改作正觀魏徵改作魏證不知徵貞不同音也又可  
怪者真宗名恒而朱子於書中有恒獨不諱不知其  
解或以親  
盡而祧耶

太清樓本無完字匱紙樸來已再傳不愛女官元祐腳  
墨皇新搨紹興季

書史往見藏蘇者家蘭亭懷字內折筆抹筆皆轉側  
編而見鋒法帖譜系舊見太清樓帖自開禧以後  
有椎場中來者已磨去亮字無右邊轉脚蓋避金亮  
諱也清河書畫舫高宗本致黃庭堅書後以偽豫  
遣能庭堅書者為問遂改從右軍又法帖譜系南  
宋紹興中以御府所藏淳化舊帖刻板真之國子監  
稱紹興國子監本其首尾與淳化閣本略無少異御  
府拓者多用匱紙蓋打金銀箔者也字畫精神極有  
可觀淳熙修內司本淳熙奉旨刻石禁中卷帙規模  
悉同淳化閣本而卷尾乃楷書題云淳熙十二年乙  
巳歲二月十五日修內司恭奉聖旨模勒上石淳  
熙奇字訓釋云撫與模同墨皇出米芾寶晉英光

詩集

築室南班傍帝畿  
僊源家寶已芳菲  
淒涼望斷中天路



朔雪橫空雁影稀

愧郊錄嘗考典故祖宗袒免親以上備環衛冠屬籍  
謂之南班 通志略有本朝仙源積慶圖一卷 宋  
史不惠嗣濮王宗暉曾孫也孝宗嘉其忠諒飲之酒  
顧太子曰此賢家寶也又史浩等上三祖下第六世  
仙源類譜仁宗玉牒 朝野雜記故事玉牒以首相  
領之紹興十六年初復玉牒所以秦會之提舉又宗  
正寺仙源類譜其見數者三祖以下合二萬一千六  
十有六人靖康以來隔異域者遂為排連而已又宗  
室為狀元者乾道初汝愚中宏辭科者淳熙初彥中  
中童子科者慶元中崇禔三年六月己卯崇禔亦能  
誦六經免文解云 譚輅宋理宗寶祐四年登科錄  
凡五甲共六百一人其中自玉牒者第一甲二人第  
二甲二人第三甲十八人第四甲五十一人獨未有  
在第五甲者可見宋室待宗藩之禮 經世奇謀留

遇僧者碭山人也金人見之曰金似趙家少帝遇僧  
竊喜紹興十年三京路通詔求宗室遇僧自言少帝  
第二子守臣遣赴行在乃詔劾治遇僧服罪後有自  
北至者曰淵聖小大王訓見居五國城朝野雜記  
建炎五年有自稱徐王棟者聞於朝上遣使逆之既  
至審驗則富順男子李悖也遂坐誅有婦人自稱榮  
德姬者按驗則婦人易氏也亦杖死上曰吾寧受百  
欺冀得一真紹興三年詔皇族有來歸者令州縣驗  
實以聞

一朝姦細竟南奔和議終為保舉恩已見秦家錯措樣  
莫將冠冕付空言

金國南遷錄天會八年諸臣慮宋君臣復讎思有以  
止之魯王曰惟遣彼臣先歸使其臣順我佯不從而

勉以聽或可以定忠烈王曰惟張孝純可忠獻王曰  
此事在我心裏三年矣只有一秦檜可用我喜其人  
置之軍中試之以事外雖拒而中常委曲順從而檜  
始終言南自南北自北因說許某著手時只依這規  
模分別今若縱之歸國彼喜慷慨說事必是得志  
宋元通鑑達蘭攻楚州檜與妻王氏自軍中趨連水  
軍自言殺金監已者奪舟而來欲赴行在遂航海至  
越州帝命先見宰相執檜首言欲天下無事須是南自  
南北自北朝士多疑其與何鼎孫傳等同被拘執而  
檜獨還又自燕至楚二千八百里踰河越海豈無譏  
訶之者安得殺監而南惟范宗尹及李回二人素與  
檜善盡破羣疑力薦其忠檜入對首奏所草與達蘭  
求和書又翟汝文雖為金人姦細故不得久居位  
至對案相詬目檜為金人姦細故不得久居位  
學菴筆記秦太師作相時裏頭巾  
當面偶作一摺謂之太師錯摺樣

簪花書法註劉希金翠輕搖玉腕圍誰說芙蓉江上貌  
紅顏一代有危機

談薈宋宮人有柳金簡翠腕圍是景陽宮胭脂井物  
註似今之手釧清河書畫舫劉夫人字希建炎間  
嘗主內翰文字及寫宸翰高宗甚眷之金小史金  
主亮嘗有圖宋之意曰向者梁說嘗為朕言宋有劉  
貴妃天下之絕色也今一舉  
而兩得之所謂因行掉臂也

集賢臺閣接飛檐九朽還摹土筆尖天慶喜存原粉本  
金章曾是弟兄兼

娛古錄趙伯駒與弟伯驥並以畫名高宗嘗命二人  
合畫集賢殿稱旨賞與特厚畫繼畫家於人物必

九朽一罷謂先以土筆撲取形似數次修改故曰九朽繼以淡墨一描而成故曰一罷罷者畢也清河書畫舫按伯駒乃伯駒之兄高宗時嘗奉詔寫天慶觀樣命吳中依樣造之今玄妙觀是也圖繪寶鑑趙伯駒善畫山水花鳥竹石高宗極愛之仕至浙西兵馬鈐轄趙伯駒善畫山水人物尤長於花禽點染輕盈頗有生意仕至觀察使

書法申韓孰並肩  
饒歌鼓吹似前賢  
太常錦瑟還驚訝  
律呂而今不再傳

研北雜志趙子固目姜堯章為書家中韓又周公謹云姜堯章饒歌鼓吹曲乃步驟魯師尹宙合編姜夔上書乞正樂赴太常同官校正樂師上錦瑟姜問曰此何樂衆官已有漫文之歎又令樂師曰語云鼓

瑟希未聞彈之衆官咸笑而散去 吳興掌故堯章  
長於音律嘗著大樂議欲正廟樂慶元三年詔付奉  
常有司收掌今太常寺與議大樂時嫉其能是以不  
獲盡其所議人大惜之 按姜夔字堯章有白石詞

卷五

野溪亭市列柴門陶戶家家作酒樽縱有龍紋白茆碎  
新窰青器已無倫

太平寰宇記杭州亭市山餘石鄉亭市村多陶戶善  
作大甕今謂之浙甕 四部索南宋時處州章生兄  
弟皆作窰兄所作者視弟色稍白而斷紋多號白茆  
碎又考古括遺芳稱兄所作為哥窰 裨編渡江後  
修內司造青器名內窰澄泥為範極其精緻油色瑩  
徹為世所珍後郊壇下別立新窰餘如烏泥窰餘杭

蜜續蜜皆非官蜜此所謂舊越蜜不復見矣五雜  
組柴蜜之外有定汝官哥四種皆宋器也傳流至今  
者惟哥蜜稍易得益其質厚頗奈藏耳定汝白如玉  
難於完璧宋時宮中所用率銅鈴其口以是損價  
六研齋筆記南宋時餘姚有秘色磁麤撲  
而耐久今人率以官蜜目之不能別白也

絲鞵供御喚莊生雪藕抽鍼瑩緝成一尺繡茵塵不動  
退朝禹步寂無聲

老學菴筆記禁中舊有絲鞵局專批供御絲鞵不知  
其數嘗見蜀將吳玠被賜數百兩皆經奉御者壽皇  
即位惟臨朝服絲鞵退即以羅鞵易之遂廢此局  
夢窗甲橐瑞鶴像贈絲鞵莊生云藕心抽瑩蠶引翠  
鍼行處冰花成片金門從迴輦兩玉鳬飛上繡絨塵  
輓末云待宣供禹步宸遊退朝燕殿按莊生蓋當

時供  
奉者

廂庭雖設莫紛拏和氣常生百姓家為報臨安破落戶

東宮昨日坐南街

洺水集城南廂官題名記粵自東幸於今百年錢唐  
版籍百倍往昔南北二廂設於關外而五方雜居水  
陸互市人滋衆市滋夥訟於廂庭者率繫縲累日吏  
屬饜乃得去兩浙名賢錄趙立夫知臨安府入對  
理宗語之曰京師細民當一意摩撫使常在春風和  
氣中遂於府西建春和樓推廣德意咸淳臨安志  
紹興二十三年上謂大臣曰近今臨安府收捕破落  
戶編置外州治本為民間除害而謂小火下者乃為  
人訴其恐嚇取錢令有司仔細根治務得其實先是  
行在號破落戶者巧於通衢竊取人物故有是命



續資治通鑑建炎三年升杭州府為臨安府 愧郊  
錄乾道七年詔皇太子判臨安府珂案本朝親王為  
南衙故實自有明據然則周必大所制詞有所謂肆  
考南衙之故實一新大尹之多儀及名稱未正者皆  
誤也

駐蹕錢唐奈數何風光京洛過江多後門艤得龍舟好  
歌舞銷鑠是此鍋

羣談採餘陳圖南莫知所出藝祖名之闕問天下始  
終事對曰一汴二杭三閩四廣再問則曰非臣所知  
也 青泥蓮花記江浙間路岐女有慧黠知文墨能  
於席上指物題咏應命輒成者謂之合生其滑稽含  
翫諷者謂之喬合生蓋京都遺風也 七修類稿城  
中語音好於他郡蓋初皆汴人扈宋南渡遂家焉故

至今與汴音頗相似惟江干人言語躁動為杭人之  
舊音教諭張傑嘗戲曰高宗南渡止帶一百過來  
按百音擺近峯閩略今人呼誰之語皆有所本如  
宋都汴有何家數者其下行貨惡濫故呼何數今越  
人云數頭者當是南渡之遺也留青日札劉豫金  
人入寇高宗親禦之趙鼎因喻樗留後門之策乃起  
張浚為閩浙江淮宣撫備退保之地  
御選四朝詩高孝璠詩朱簾白舫亂湖光隔岸龍舟  
艤夕陽今日歡遊復明日便將京洛看錢唐西湖  
遊幸記西湖杭人無時而不遊凡締姻賽社會親送  
葬經會獻神無不在焉  
故杭諺有銷金鍋之號

偏愛黃冠祀紫都為僊為帝總虛無馬遷也強宗元教  
誰續華陽位業圖

齊東野語女冠吳知古用事內宴演參軍教坊輩請  
簽文書參軍怒曰我方聽感粟請至三四胥前擊其  
首曰甚事不被感粟壞了又俗呼黃冠為感粟清  
河書畫舫宋徽宗為東華帝君高宗為元載孔昇天  
帝下生筠溪牧潛集余居臨安有持大板史記列  
傳以老子為首心甚怪之莫知其本所出問諸博書  
者亦莫知也因閱國朝會要見宣和間有旨升  
老子於列傳首乃悟所見蓋宣和本今不行也

心事誰知默禱間滿朝敢道相公姦九年伍伯無人識  
去訪東南何處山

江湖雜記檜既殺武穆向靈隱祈禱有一行者亂言  
譏檜檜問其居址僧賦詩有相公問我歸何處家在  
東南第一山之句檜令隸何立物色立至宮殿見僧  
坐決事立問答曰地藏王決檜殺岳飛事數卒引檜

至身倚鉄枷囚首垢面呼告曰傳語夫人東甯事發矣昨非巷日纂錢一為皂隸因秦檜酷刑責人嘗至死後雖少悔只以流血為度隸乃汚猪血在板如是九年忽一日立班中見足離地而起檜呵其為妖隸以前情曰某今日應上昇遂乘雲而去

古牋葉葉染松煙監本猶珍後代傳歐瘦顏肥生態別  
官囊須辦買書錢

朝野雜記監本書籍紹興末年所刊也九月張彥實待制為尚書始請下諸道州學取舊本書籍鏤版頒行從之然所取諸書多殘缺故胄監刊六經無禮記正史無漢唐二十一年輔臣復以為言上謂秦益公曰監中缺書亦令次第鈐板雖重有所費不惜也由是經籍復全先是王瞻叔為學官常請摹印諸經疏

及經典釋文許郡縣以贍學或省係錢各市一本置之於學上許之今士大夫仕於朝者率費紙墨錢千緡而得書於監云五雜組書所以貴宋版者不惟點畫無訛亦且篆刻精好若法帖然凡宋刻有肥瘦二種肥者學顏瘦者學歐行款疎密任意不一而字勢皆生動箋古色而極薄不蛀

中興詞翰坐春風科第繽紛出學宮花月平章二百載  
詩名終是首文公

癸辛雜志乾淳文淳厚謂之乾淳體端平江萬里自成一家淳祐徐霖魁南省尚性理時競趨之以釣科第咸淳末諸人倡為變體謂之換字文章內多用莊列語文獻通考淳熙十四年鄉試得進士王容以下上天安英明大廷策士多自陞黜不盡由有司是舉王容蓋自第三觀擢為榜首時儒生迭興辭章雅

正號乾淳體 少室山房詩數大抵南宋古體當推  
朱元晦近體無出陳去非此外略有三等尤楊四子  
元和體也徐趙四靈大中體也劉戴諸人  
自為晚宋而謝翱七言古時有可採焉

雲漢昭回奎宿明巖菴猶記大蘇名從來國運關文運

莫誤文章喫菜羹

唐溪詩話徽宗幸寶籙宮醺筵其主疏道流伏地久之方起上詰之答曰值奎宿奏事上問何神對曰本朝臣蘇軾也上大驚萬厯杭州府志東坡菴在錢唐縣西六里東坡為守時止此後人鑒石為室名曰東坡菴 洎詞記事續鈔南宋之文氣浮而詞細靡故國益弱如葉水心之謫周平園之漫陳平齋之離農田餘話宋南渡後文體破碎詩體卑弱惟石湖放翁為平正至晦菴諸子始一變時習模仿古作故

有神頭鬼面之論 老學菴筆記建炎以來尚蘇氏  
文章學者翕然從之有語曰蘇文熟吃羊肉蘇文生  
吃菜

羹

春衫新翦瑞香羅插座頻宣小妓歌四色饅頭紅白酒

花茶坊裏喚厮平波

夢梁錄蒸作麪行賣四色饅頭薄皮春蠶孝仁坊口  
水精紅白燒酒曾經宣喚其味香美入口便消大街  
有三五家開茶肆樓上專安著妓女名曰花茶等  
不奉色業藝專為採聽妓家賓客趕趁唱喏飲宴所  
在以獻香送歡  
為由謂之厮波

南瓦邀棚北瓦過繡巾小妓舞婆娑遊人不盡香塵擁

簫鼓開場打野呵

市肆記或有路妓不入勾欄只在要鬧寬濶處做場  
謂之打野呵 又如北瓦羊棚樓等謂之邀棚 咸  
淳臨安志南瓦在清冷橋西有熙春樓北  
瓦在衆安橋之南亦名下瓦有羊棚樓

明遠高樓夜半鐘書聲蚤已聽潛龍凡塵留得天人像

願浹春風遍九農

剡源集佑聖觀記觀有明遠樓阜陵嘗讀書其中  
朝野雜記佑聖觀淳熙三年建以奉佑聖正武靈應  
正君十二月落成或曰正武像益肖上御容也 庚  
溪詩話孝宗春賦浹土膏之流潤將勸功於九農碧  
草淩其帶露游絲飄其曳空丹綠衆芳超遙兮春風  
春風兮歸來信吹萬之不同 埤雅廣要孝宗母張



氏夢崔府君擁一羊丁未生孝宗於秀州小名  
羊高宗選養宮中賜名璵適與崔府君同名

難將肥瘦定官家總屬天潢貌似花從此中興開七葉  
狸奴偏是判龍蛇

合璧事類紹興詔令訪求伯宇號七歲以下者十人  
入宮十人中擇一肥一癯留肥而遣癯未出思陵云  
更子細觀令二子叉手立忽一猫走前肥者足蹴之  
上曰此猫偶過何踢之安能勝重耶遂留癯而遣肥  
者癯者即  
孝宗也

誰主西湖造化功總相宜咏畫圖中四時分判拈題日  
不見蘇公與白公

學吟載有遊西湖詩誰主西湖造化功峰分南北境  
相通四時風物絃歌裏兩岸人家圖畫中堤柳送迎  
忘爾汝棹聲來往自西東風波便作思波看此樂君  
王與我同逃禪詞趙祖丈畫西湖圖名曰總相宜  
作水龍吟詞咏之方輿勝覽西湖在州西周迴三十  
里山川秀發四時畫舫遨遊歌鼓之聲不絕好事  
者嘗命十題有曰平湖秋月蘇堤春曉斷橋殘雪雷  
峰落照南屏晚鐘麴院風荷花港觀魚柳浪聞鶯三  
潭印月兩峰插雲案此為十景之始可知出於南  
宋其來已久道州苔衣集西湖詩山氣又晴晴又  
雨樓臺依寺寺依山無聲  
詩一作兩峰出雲孤山梅雪

堅壁長城慕勇功中興想望野人同醫身醫國皆司命  
星陷無如奴僕宮

漁隱叢話高宗南渡有稱中興野人題詞吳江橋上有云敵騎長驅三犯關誰作長城堅壁四朝聞見錄臺臣有論列秦檜王繼先二人者上曰檜國之司命繼先朕之司命自此言者遂沮又高宗自能推步星命或臣下不能始終仰副聖懷則曰吾奴僕宮星陷也

栢子池邊弱柳新珠簾十二列宮嬪耕夫織婦排香几  
不問蒼生問鬼神

楊太后宮詞雲影低涵栢子池秋聲輕度萬年枝  
玉海紹興中於潛令樓璣畫耕織二圖高宗召對宣  
示後宮貴耳錄憲聖在南內愛神怪幻誕  
等書郭彖睽車志始出洪景廬夷堅志繼之

梅粉松黃作湯餅銀鱗青蟹供芳醪  
冰天不愛花交菜

玉肺朝朝出御廚

山家清供紫帽山人作梅花湯餅初浸白梅檀香末和麵作餛飩皮每一疊用鐵鑿如梅花樣者鑿取之可想一食不忘西湖又云大理寺訪陳秋巖評事留飲二童歌歸去來辭以松黃餅侑酒又云正粉油餅芝麻松子胡桃蒔蘿六者為末拌和入甑蒸熟切作肺樣後苑名曰御愛玉灌肺以此見九重崇儉不嗜殺之意蟹略有湖蟹湖蟹月令廣義引武林遺事云每年五月富春江上鮓魚最盛數人捕之移時百里達於城市戒菴漫筆杭州俗呼黃矮菜為花交菜謂諸菜多變成異種俗多南渡遺風賣冰者叫大雪以大雪收者佳糴芝麻者叫何何舊姓何者鬻此故也

蹴得金爐動地驚旋看鐵堦起佳城九重相與殷勤問

# 想道卿兒已長成

宋史紀事本末太子屬疾宮人蹴地上金爐有聲驚悸疾轉劇遂不起初張浚以寡嘗姦帝位議去之朝野譟記建康初太子得疾未瘳有金香爐宮人誤觸之仆地有聲太子應時驚搐不止上命斬宮人於廡下少頃太子薨年三歲朝野遺記方伯彥潛善養安之際外傳北風極勁而汪黃傲然謂無事故上亦不甚虞比江都宮中方有所御幸而張浚告變者遽至矍然驚惕遂病薰腐故明受殂後二宮皆絕孕苗劉之變植虛器於前星蓋特二山狂妄耳春宮未辦庶中而浚在建業乃建議殞之過矣今明受之殤在鐵瑄下父老尚能言蓋當時併乳嫗皆掩之云鶴林玉露高宗問張魏公卿兒想甚長成對曰臣子年十四脫然可語聖人之道

為國掄才費蓋思雖於簡牘亦無遺誰知淪落天街客  
三十青錢一首詩

四朝聞見錄趙忠定商確駢儷以為此最不可忽居  
政地問以此觀人至尺牘小簡亦然此掄才報國之  
端也 漁隱叢話仇萬頃未達時挈牌  
賣詩每首三十文停筆磨墨罰錢十五

苻離一敗盡南奔道士空傳相法明聞說相公多睡語  
休將心學誤蒼生

何氏備史張魏公素輕銳喜功好合虛譽苻離軍潰  
國家數十年所積資械蕩棄無餘方其甘寢晏然稱  
是心學然當萬眾崩解時一人心法遽能收拾否  
夸堅志張魏公冀夫人日齋道人一員有一客曰夫

人當生貴子既見公揖公行數步即呼為相公齊  
東野語張魏公出督陞辭與高宗約曰臣先驅清道  
約至汴京作上元岳飛聞之曰相公得非睡語乎  
史緯張浚屢奏欲取山東德壽謂孝宗曰毋信張浚  
虛名將來必誤大計至符離  
師潰可謂知臣莫若君矣

落魄人傳王實之盛朝多見石湖詩醵錢說虎邀猷子  
不似狂生勅賜時

齊東野語王實之莆田人有文名落魄不羈為正字  
日因輪對及故相理宗曰姑置衛王王曰何容保之  
至上怒曰此狂生也後歸鄉里自稱勅賜狂生白  
醵石湖范參政初官其同參者聞為吳郡人即云  
猷子又後因醵會日云請猷子清  
賞錄范文穆好談虎構一軒曰說虎

敢與陽鳥一體尊河山影出已黃昏清泠泉底銀牀上  
籀法曾書明眎孫

螢雪叢說詩僧上秦師垣壽曰不祝公兮椿與松椿  
松老大空無用不祝公兮龜與鶴龜鶴瀛汜沒徒泥中  
祝公願作天上月歲歲年年常皎潔錦城初動五更  
鐘引領衆星朝北闕秦大喜書史會要秦檜能篆  
書金陵文廟井闌上刻其所書玉兔泉三字亦有可觀

湖隄何地葬桃花簡簡芳名未可誇賺煞西泠橋畔客  
幾番松下覓香車

咸淳臨安志蘇小墓在湖上周紫芝云湖隄步游客  
言此蘇小墓也詩云野水橫分青草陂誰埋玉樹與



瓊枝湖邊山自向人綠門外柳今何處垂行雨行雲  
均是夢施朱施粉未相宜一從蕙死蘭枯後剛道桃  
花好面皮雙名志蘇小小一名簡簡案蘇小墓  
並不在錢唐自武林舊事載在西湖而咸淳臨安志  
亦載引周紫芝詩為證然唐人徐凝有詩云嘉興縣  
裏逢寒食落日家家拜掃回惟有縣前蘇小墓無人  
送與紙錢灰陸廣微吳地志亦明載在嘉興縣側或  
謂李賀歌有西陵下風吹雨之句然西陵卽西興亦  
並不在錢唐似不足據  
後之志墓者當考正之

對坐金獅映日明彩雲仙隊奏瑤笙黃羅盒賜東宮食

### 石首魚鱗土步羹

詩林詔茂楊萬里德壽宮慶壽口號雙金獅子四金  
龍噴出香雲繞殿中太上垂衣今上拜百王曾有箇

家風 二老堂雜志殿上大宴有蠻人控金獅子對  
設柱間 文獻通考宋女弟子隊曰彩雲儂隊 隨  
隱漫錄每日賜太子玉食批司膳內人所書也如酒  
醋白腰子三鮮筍炒鶴子烙燂石首魚土步辣羹海  
鹽蛇鮮煎卧烏鴿湖魚糊酒蟹江蚶青蝦辣羹酒醋  
蹄酥片生豆腐醋腦子清汁雜燂湖魚肚兒辣羹之  
類

薰風駘蕩水芙蓉聞道冰船江上供瓜果浸來消永日

### 宮官小殿講中庸

雞肋編二浙少冰雪紹興壬子車駕在錢唐是冬大  
寒屢雪冰厚數寸北人遂窖藏之燒地作窖臨安府  
委諸縣皆藏明年五月天中節天適晴暑供奉行宮  
有司大獲犒賞其後錢唐無冰可收時韓世忠在鎮

江率以舟載至行在晝夜牽挽謂之進水船 松漢  
紀聞西瓜本出塞外自洪忠宣奉使歸得其種蒔之  
禁圃鄉園 石湖集碧蔓凌霜臥軟沙年來處處食  
西瓜 桐江集西瓜足解渴割裂青瑤膚 詩林韶  
蕋真德秀宮夏詩午漏遲遲滴玉壺清陰羃羃  
布庭除直教底事消長日大學中庸兩卷書

香雲漫與白雲遊千載錢唐豈得休識語何須憂鼎折  
元勲一代在春秋

秀水閑居錄趙鼎起於白屋一旦拜相以臨安相府  
為不足居別起大堂奇花佳木環植周圍堂之四隅  
各設大爐為異香數種每坐堂中則四爐焚香煙氣  
氤氲合於坐上謂之香雲 山堂肆考金明縣道士  
自稱白雲片鶴遊汴見趙鼎大呼曰中興名相他日  
又遇鼎曰吉陽相逢後鼎紹興五年為相有重名晚

竄吉陽忽見白雲曰憶昔日之言乎雞肋編會稽士人有錢唐休者有名於時趙丞相當國人薦之方議除擢會邊報瞻視奏目中適見其姓名趙不悅曰錢唐遂休乎因置不用趙引折彥質為樞密其院中奏牘書名相次人有譖之者謂趙鼎折為不祥乃與錢事相類古今以識語而為禍福者多矣宋元通鑑辛棄疾帥長沙時士人或訴考試官濫取第十七名春秋卷棄疾察之信然索亞榜春秋卷兩易之啟名則趙鼎也棄疾怒曰佐國元勲忠簡一人胡為又一趙鼎擲之地案趙鼎字元鎮撰忠正德文集十卷四字高廟所賜宸翰中語也又得全詞一卷

青絲覆額灑銀豪寶騎裝鞍繫錦弣殿隔珠簾宣賜宴  
庭開花燭慶同牢

朝野雜記高宗一朝童子求試者三十六人授官者五人萬頃彭興張宗柔朱虎臣劉巖惟虎臣能排陣步射及讀書故補承信郎劉巖以小校子五歲善騎射故補校尉虎臣又賜金帶孝宗一朝童子求試者七十四人命官者七人有呂嗣興者四歲能誦書切韻變四聲書八卦上召見俾面啗詩授右從政郎今伴皇孫榮國公讀誦乾道八年春也又授王克勤右從事郎李如圭林洽何耀並迪功郎何致遠將事郎郭洵直下州學光宗一朝童子求試者十七人無補官者惟從仕郎吳鋼年九歲能誦六經語孟以壽聖親姪孫特改承務郎士子四月也談蒼吉水李如圭七歲中童子科孝宗召見與其父隔珠簾賜宴弘簡錄熊克家素儉約除起居郎嘗愛臨川童子王克勤之才將妻以女而乏資遣會草創獲賜金遂以歸之人稱其介江漢叢談茶陵譚昭實七歲應童子科登第謝啟傳入禁中理宗見而異之

柳絲高颭紅旗小蘭棹平移妓樂來十錦亭邊春市散  
風光老去舊樓臺

西湖賦湖詠維百先言御園爰有聚景圖經所尊致  
坤宮之孝養據震位以生藩來四朝之游幸攬衆達  
以平吞南有翠芳蘭棹在焉接蓬萊於中沚賓慧日  
於前軒北有玉壺紅鷗尚存去環碧兮百權隔水月  
兮一垣慶樂有梅關桂林之勝珍禽異獸之繁亭連  
棟為十錦碑蝕苔以千言記南園之絕景扁西湖之  
洞天此皆始屬於禁繫又不但嘗錫之侯藩又云  
想見進魚羹之宋嫂猶多乘鶴舞之優人翦羅釘采  
花之籃範飴為穿柳之鱗飾木兵於小桁串家具於  
修筠拓彈象弩畫棍絲盆羅襪凌波金釵照春鞠  
澗小集聚景園口號淺碧池塘連路口澹黃楊柳護  
檐牙舊時歲歲春風裏長見君王出看花竹影參差

臨斷岸花陰寂歷浸清流遊人難到闌干角盡日垂  
楊覆御舟 乾淳歲時記蔣苑使小園花木匝立  
標竿射垛秋千梭門 升菴外集陸放翁詩云秋千  
旗下一春忙畫工作寒食仕女圖秋千架作兩繡旗  
蒲江詞西湖調寄柳梢青鬪草褰衣濕翠秋千瞥  
眼飛紅 蛻岩樂府西湖泛舟調多麗云館娃歸蘇  
臺游鹿銅仙去漢苑飛  
螢 西湖賦白珽作

曾聞總服到臨平龍德宮中祭奠誠二帝魂遊沙漠外  
何來朽木與燈檠

面史紹興十二年己丑帝易總服奉迎徽宗皇帝及  
顯肅皇后鄭氏懿節皇后邢氏梓宮至奉安於龍德  
別宮 雲谷卧餘全遼志云五國城頭有宋徽宗墓  
然則和議成而梓宮至臨安蓋以空櫬給宋朝考五

國城一名五國城頭在三萬衛北一千里自此而東  
分為五國故名距京城三千三百里宋元通鑑紹  
興五年上皇卒於金五國城年五十四遺言欲歸葬  
內地金主亶不許朝野雜記欽宗之喪舉哀於天  
章閣南以學士院為几筵殿遙上陵名曰永獻暨乾  
道中朝廷遣使求陵寢地金人許以遷奉且併歸靖  
康梓宮朝廷難之金人乃以禮葬於鞏縣云癸辛  
襍志楊覲發徽欽高孝光五帝陵初徽欽葬五國城  
數遣使祈請於金人欲歸梓宮凡七年而後許高宗  
親至臨平奉迎易總服寓於龍德別宮至是被發二  
陵皆空無一物徽陵朽木一段欽陵木燈檠一具而  
已野獲編欽宗陵柩無尸止有木燈檠一枚按欽  
宗柩在北高宗不肯歸金世宗以一品禮葬於鞏洛  
之原柩且不還安所得燈檠也譚輅紹興十二年  
皇太后韋氏至自金而靖康帝故未歸也豈當時不  
請耶抑不遣耶至二十一年始遣巫伋迎之而完顏亮云



不知歸後何處頻放飯遂唯而退  
考三朝北盟會編那皇后歸至中途上仙  
案田志引癸辛襍識言

欽宗梓宮歸臨安者誤矣

回首中原長草萊金門土稚幾疑猜紛紛小腳船中客  
爭買西湖黃胖來

渭南集嵩山景迂廊時排悶詩莫言無妙麗土稚動金門廊夫善作土偶見宮禁及貴戚家爭以高價取之為玩喪亂阻隔南人不復知此句遂亦難解  
夢梁錄小腳船專載賈客小妓女荒鼓板燒香婆嫂白獺髓迎春黃胖起於湧金門外地有杏花園游人多取其黃土戲捏為人形爾

家鄉風物嗜鳴蛙聖主頻頻惠愛加寫到坐魚資雅博

市門日日送冬瓜

四朝聞見錄杭人嗜田雞如炙即蛙也憲聖渡南以其酷似人形力贊高宗中嚴禁止都人習此不能止售者至剝冬瓜以實之冥諸食蛙者之門謂之送冬瓜又黃公度帥閩宿戒庖兵市坐魚三觔庖兵不曉時林執善為州學錄庖人問馬林語以可供田雞三觔庖兵納入公度笑曰誰教汝庖以善對黃公遂館林於賓閣云

中興香繞玉堦深  
瞻笏頻頻用表忱  
鷄鷺兩行齊拜舞  
閣門多是鮑魚音

香乘光宗萬幾之暇留意香品合和奇香號東閣雲頭香其次則中興復古香老學菴筆記紹興中朝

參止磬折遂拜今閤門習使先以笏叩額拜拜皆然  
謂之瞻笏亦不知起於何年也 貴耳錄孝廟時取  
北人於閤門充贊喝聲雄如鐘有京洛氣象  
嘉定來多以明台溫越人聲皆鮑魚音矣

德壽書名滿市廛一丁猶是賦三千不須更問燈籠錦

### 翼翼宮旗插糞船

齊東野語德壽宮建房廊於市廛後者不知體凡門  
閤輒書德壽宮汪應辰出劄極言之上不憚會德壽  
宮市燈籠錦不得太上曰比已得之汪應辰家物也  
宋稗類鈔南渡後浙中賦稅全是橫歛丁錢有至  
三千五百者人由此多去計會中使作宮中名字  
以免稅卒幼安云曾見糞船亦插德壽宮旗字

蘋蘩亦可助調羹老嫗驕兒御賜名獨坐綸扉兩朝宰

閨中不許號先生

黃氏日鈔賈似道始生之日錢唐宰郭應酉以詞賀之并頌其母蓋賈之母朝命封兩國賜號賢壽樣巷小乘賈似道母胡氏贈秦齊兩國賢壽休淑莊穆夫人謚曰柔正又秦檜妻王氏自號沖正先生見陸務觀王佐墓志朝野遺記秦檜妻王氏陳乞舊所得恩其夫上兩浙名賢錄秦檜妻王氏陳乞舊所得恩數未領者自稱沖正先生王佐為秘書省校書郎駁之曰妾婦安得有此稱向者誤恩今得追正

安前幾樹碧桃花曾駐龍旂耀日華兩岸水聲芳草路

居民猶話宋官家

西湖百詠年來青鳥碧桃花築室安前即是家玉貌星冠隨絳節雙成不及魏無瑕武林梵志高宋南

渡議西溪建立行宮因幸西溪相度形勢遂駐蹕於  
沈氏有沈諸者進食獻茶帝大悅曰西溪且留下後  
遂相傳為駐馬沈西溪梵隱志西溪有三橋多植  
柳濃陰夾道東西兩涯民居臨水花木周廬亦稱花  
市又安前之名特裴璫  
董竈並著其義未詳

滿苑奇花擁至尊  
宛書宸翰代天恩  
細看御寶新紅沫  
猶有香生粉指痕

太平清話四明樓璠繪耕織圖後此圖流傳人間見  
逐段下有憲聖慈烈皇后題字皇后姓吳配高宗其  
書絕相似又御前應制多女流也基為沈姑姑演史  
為張氏宋氏陳氏說經為陸妙慧妙靜小說為史惠  
英隊戲為李端娘影戲為王潤卿霏雪錄宋故事  
禁中處分事付外謂之內批又謂之御批皆內夫人

代書 畱青日札徑山宋時萬壽禪寺大碑其中一御寶至今如朱砂印痕風雨不剝滅此名紅沫也

香水銀盆看浴時圍紅攪亂小釵枝浮浮花果爭相取  
少婦偏尋立棗兒

夢梁錄育子滿月外家以彩畫錢或金銀錢襍果及珠翠顚角兒食物送其家大晨洗兒會煎香湯於銀盆內下洗兒果用色綵繞盆謂之圍盆紅尊長以金銀釵攪水名曰攪盆釵撒於盆中謂之添盆又盆內有立棗兒少年婦爭取而食之以為生男之徵

三臘移窠過別房銀盆彩蛋與眠羊賓親來慶洗兒會  
只少崑山粥米莊

夢梁錄三朝與兒落臍炙顙七日名一臘十四日名二臘二十一日名三臘女家與親朋俱送膳食又兒落胎髮畢抱兒遍謝諸親及抱入媼孀房中謂之移窠又育子父母家以銀盆或綵盆盛栗桿一束上簇通草花朵貼五男二女意思及眠羊卧鹿以綵畫帛蛋百二十枚及芽兒繡棚彩衣至婿家齊東野語楊和王第六女事向子豐一日向妾得男楊以為已出王厚遺其女且撥吳門良田千畝以為粥米今向氏有崑山粥米莊

東禾何必再三將軌革當年亦渺茫獨坐中書書剝字果然紅日壓無光

老學菴筆記秦會之專國軌革中又多三人各持一束曰秦字也其言亦頗驗及秦氏廢亦無人占得

此卦矣 宋稗類鈔乾道中駁放秦垧等科名方集  
議時中司誤以駁為剝衆畏中司護前遂皆書曰剝  
又謝石折春字謂秦頭太  
重壓日無光忤檜死於戍

秘書省坐狀元慙紅履塼中侈笑談石鼓墨文今在否  
裝池碑版付枯蟬

朝野襟記紹興十二年秦申王當國其子熺始冠多  
士十五年以秦熺提舉秘書省 南宋相眼陸務觀  
云嘗記先人說紅鞋飾帶始唐莊宗施之優人文昌  
襟錄滑臺賈昌朝畫像猶黑鞋不知紅鞋起於何時  
雲麓漫鈔元祐間有溫公帽伊川帽未有巾之名  
渡江後方著紫衫號為窄衫盡巾中之製有圓頂方  
頂塼頂琴頂秦伯陽以塼頂服去頂內之重紗謂之  
四邊淨 石鼓文辯鄭樵模寫其字之可曉者而隨



用其見以為之辯南劍州州學以鄭本鉅木紹熙辛  
未以有以墨本見示者建康秦丞相家藏本也點畫糝  
糊皆不可讀甘露園短書秦熺當其父檜執政  
十九年中無日不煑酒器無日不裱背書畫碑版

空向權門去附名龍圖曾是說端明蘇家骨肉皆零落

悔不聞奴序弟兄

咸淳臨安志紹興元年禮部尚書秦檜參知政事龍  
圖閣侍制孫覲賀檜有曰盡室航海還復中州四方  
傳聞感涕交下漢蘇武節毛盡落止得屬國唐杜甫  
麻鞋入見乃拜拾遺檜以為譏已大怒快雪堂集  
跋宋孫尚書覲尺牘云聞之毘陵人尚書實大蘇公  
遺體孫老得公棄婢而生畏時禁不能自明而詳其  
顛末於家乘朱子語錄梁師成自謂東坡遺腹子  
侍蘇叔黨如親弟兄諭宅庫云蘇學士使一萬貫以

下不須復 考香祖筆記坡公往陽羨憩村舍見一童子頗聰慧出對句云衡門稚子璠璣童子應聲曰翰苑仙人錦繡腸坡喜之童子即覲也然則遺體之說妄矣 披孫覲字仲益撰鴻慶集四十卷

木陰斜轉月娟娟片紙驚看戴角斫判得棄官何處去  
雲中來往翦頭僊

夸堅志秦檜下岳飛大理獄周三畏鞠之遇夜間行見古木下一物似豕而角周却步此物徐行至獄傍小祠而隱經數夕復往月甚明又見前怪首有片紙書發字 樵書大理卿周三畏不肯勘問岳武穆掛冠而去不知所之後於延安葭州山中有翦頭仙人日飲淨水三甌與人論及宋事咸陽冤死仙輒大哭問其姓曰姓周後忽不知其何從而去空中墜名帖二紙書周三畏拜謝乃知翦頭仙即周也

佃客當時岳五郎廬山淚血灑松篁獄辭一紙書天日  
不願千年姓氏香

宋稗類鈔岳太尉本是韓魏公家佃客每見韓家子弟必拜學園憲蘇初岳飛從戎留妻養母姚氏既而河北淪陷訪求數年不獲俄有自母所來者寄聲曰為語五郎勉事聖天子無以老嫗為念也飛竊遣人迎之往返十有八然後歸奉之後宣撫襄陽母死與子雲跣足扶櫬歸葬路人無不涕泣既葬廬於墓側揮麈錄錄張唐老自九江來聞岳侯父子伏誅唐老云去歲在匡廬正覩岳侯之母儀衛甚盛一僧為言岳英地雖佳掩壙之後子孫須有非命者然經數十年再當昌盛同話錄岳武穆獄案今在莆陽陳魯公家世本無獄辭但大書天日昭昭天日昭昭八字是罪案乃是細書與前筆跡不同不知後來如何

粘成卷也 竹莊舊藁讀岳鄂王  
行實詩一片堂中紙千年身後名

賜來盾樣襲文綈玉軫金徽御墨題不見薦紳稱四絕

### 曾知閣譜重江西

玉海高宗賜洪皓御銘盾樣琴一上曰古人琴製不  
同朕製盾樣以示不忘武備之意 佩楚軒客談端  
淳薦紳四絕楊嗣翁琴趙文中棋張溫夫書趙子固  
畫 清容集琴述往年錢唐楊司農以雅琴名於時  
有客三衢毛敏仲嚴陵徐天民在門下朝夕損益琴  
理刪潤別為一譜以其所居曰紫霞名焉自渡江來  
譜之可攷者曰閣譜曰江西譜閣譜由宋太宗時漸  
廢至皇祐間復入秘閣今世所藏金石閣畫之精善  
咸謂閣本蓋皆昔時秘閣所度而琴有閣譜亦有義  
也方閣譜行時別譜存於世良多至大晟樂府證定

益以閣譜為貴別譜復不得入其學寢絕紹興時非  
入閣本者不得待詔曰江西者由閣而加詳焉按  
楊纘字繼翁寧宗楊后兄  
次山之孫也號紫霞翁

綠雲深擁御袍黃一枕琉璃清夢長花竹後來誰弛禁  
海棠樹樹染天香

松隱集題禁中黃石榴安石開花比御衣綳紅繁綠  
不能奇上林別有嬌黃貴如翦冰綃襯玉肌又禁中  
茶蘼詩密葉素華青羽帔繁香秀色六銖衣枕間為  
抽琉璃滿清夢冷冷入翠微宋元通鑑內侍移竹  
栽入內趙鼎見之責曰艮嶽花石之擾皆出汝曹今  
欲蹈前轍耶因奏其事帝改容謝又紹興二年禁買  
花木珍禽臨安諸門不許放入海棠譜一卷錢唐  
陳思極開慶元年自敘云海棠自杜陵絕吟至鄭谷

已為舉似本朝列聖品題雲章奎畫烜耀千古此  
花盛傳於世余因採集諸家為一編曰海棠譜

訓唱詩章洵雅嫻窄衣絲履識龍顏五雲玉座傳香遠  
射垛前排招箭班

武林遺事孝宗幸玉津園講燕射禮皇太子宰執皆  
從賜宴上服顏中窄衣束帶絲履內侍御帶進弓箭  
看箭人喝看御箭教坊樂作射垛前排立招箭班皇  
帝射中太子以下各拜稱賀上賦七言詩丞相以下  
屬和又招箭班者服紫衣幘頭叉手立於垛前御箭  
之來能以幘頭取勢轉導入的亦絕技也松隱集  
從駕玉津園詩天子行春御六龍五雲回暖泛晴風  
和鸞寶苑梅花路賸有香傳玉座中東京夢華錄  
招箭班外又一人口銜一銀盃兩肩兩手共五隻箭  
來則能承之射畢駕歸宴觀以南渡制度皆承祖

制

千秋聖節拜彤宸詔賜餼牲及下臣慶禮常聞南北使

金人擇日作生辰

宋史高宗天申節五月二十一日孝宗會慶節十月  
二十二日光宗重明節九月四日寧宗瑞慶節十月  
十九日理宗天基節正月五日度宗乾會節四月九  
日玉堂禋紀宰執及親王生日預申學士院撰詔  
書及賜目一紙祖宗時牲餼外又錫器幣過江後牲  
餼耳米麪本色羊準價酒則臨安醞造加以黃封

周益公年譜七月甲子中使賜生日生餼米麪羊酒  
松漠紀聞金人生日各分占良時尼堪以正旦烏

舍以元夕烏雅美以上已國主賈以七夕等老學  
菴筆記淳熙己酉金邊帥移文境上曰皇帝生日本

是七月今為南朝使臣冒暑不便已權作九月一日

諸生伏闕捲堂歸當路無才愛養違寧遠荒阡寒食候

尚餘草木戀春暉

清夜錄淳祐十二年武學為同舍求棺木京尹余太監晦差伍作搔撿揭帛裂衣暴露兩日齊眾同太學伏闕上書不報各捲堂散去司業蔡抗申奏即就出浙江亭呼吏出榜云就撥官會一百萬照甲牌俵散以表賑卹之意成化杭州府志宋有寧遠阡墓太學生死而無歸者在方家峪梯子嶺下國子司業王介撰記

江上風吹羅刹沙九重遙拜護僊查攢宮已建容車出



# 萬國齊簪白柰花

聞見錄顯仁太后龍輅將渡會稽上預恐風濤為孽  
於宮中默禱清忠廟及篤御既戒浪平如席揮塵  
錄紹興初昭慈聖憲皇后升遐朝論欲建山陵曾公  
卷以謂帝后陵今存伊洛復中原即歸附矣宜以攢  
宮為名堅瓠集寧德皇后從徽宗蒙塵紹興五年  
計音來徽州唐輝使休寧尉陳之茂撰疏文云十年  
罹難終弗返乎蒼梧萬  
國銜冤人盡簪乎白柰

## 大理埋魂骨已枯復仇九廟獻軍俘拚香棄雪清風鎮 誰寫將軍嘗后圖

宋元通鑑史嵩之遣使以孟珙所獲金哀宗遺骨及  
寶玉法物并俘囚等獻於臨安備禮告於太廟藏其

骨於大理寺獄庫 癸辛雜志史嵩之開判湖閩與  
孟珙合元兵攻蔡州獲亡金守緒殘骸以歸且繪八  
陵圖以獻 見只篇宋人嘗后圖上有題云棄雪拚  
香無處著這面孔一綵兒是清風鎮的樣子那將軍  
是報粘罕  
的孟珙

四海歡聲傳墨本恤刑寬政頌皋陶頻年獄吏宣恩處

青火桁楊享少牢

山堂肆考紹興二年詔以恤刑手詔刻石頒諸郡縣  
奉使魏良臣曰北人得上親筆恤刑墨本曰恤刑如  
此民心安得不歸 宋史淳熙元年守臣胡與可奏  
三院獄空上賜璽書獎諭 古杭襍記舊傳三歲拜  
郊或明堂大禮所有在前誤國姦臣首級在大理寺  
者必以文祭蓋訛傳謂以污穢之物祭之其實乃少

牢也其文云國祭于三年恩霈汝雖  
誤國然今亦不忘汝之舊特用以祭

今日士師非禾絹申王已見卧書齋滿朝伴拜母多語

### 還有臺端肉簡牌

困學記聞誠齋為章燾墓銘云今日士師非禾絹士  
師也宋明帝紀胡母顥專權奏無不可時人語曰禾  
絹閉眼諾胡母大張素禾絹謂上也蓋謂秦檜顥政  
士師非主上之士師也山堂肆考宋秦檜初為太  
學生號秦長脚一日睡於窗下有異人來詣檜語其  
同舍郎曰他日此人誤國害民天下同受其禍諸君  
亦有死其手者劉時舉續資治通鑑自檜當國士  
大夫之名望者悉屏之遠方齷齪委靡不振之徒一  
言契合即登政府仍止除一廳謂之伴拜稍出一語  
斥而去之王宗沐續資治通鑑楊愿為中丞迎合

檜意以舉劾人  
號之為肉簡牌

鐵豸班心列諫官滿朝人指滿朝歡一遭白簡書名姓

又使家人製藥丸

王宗沐續資治通鑑章鑑居位號寬厚與人多許可  
時目為滿朝歡劉時舉續資治通鑑紹興元年何  
澹同知貢舉劉先祖除殿中侍御史首上學術邪正  
之章及奏名被旨入院拆卷出同院謂先祖曰何自  
慙見公所上章數日為之恍  
惚日餌定志丸他可知也

當時深悔和魚須蚤列江西詩派圖齋閣焚香滌研外

煎茶偏自喚昌奴

困學紀聞徐師川以諫議召程致道在西垣封還除  
書言與中貴人唱和魚須之句為人所傳詩說雋

永徐師川贈中貴鄭公諶詩平生不善劉蕢策色色  
人中自有人漁隱叢話師川因鄭諶而進致身樞

府東湖集中與鄭唱訓亦多又呂居仁江西宗派圖  
推豫章黃山谷為詩祖列陳師道潘大臨謝逸洪芻

饒節僧祖可徐俯洪明林敏修洪炎汪革李錞韓駒  
李彭晁沖之江端本楊符謝邁夏倪林敏功潘大觀

何顗王直方僧善權二十五人以為法嗣謂源流皆  
出自豫章也宋史新編徐俯字師川號東湖七歲

能詩為山谷所知以父禧死事受通直郎邦昌僭位  
遂致仕工部侍郎何昌言與弟昌辰避邦昌諱皆改

名俯買婢名昌奴客至即呼前驅使之堯山堂外  
紀徐師川是山谷外甥晚年欲自立名客有稱其源

自山谷者公讀之不樂答以小啟曰涪翁之妙天下  
君其問諸水濱斯道之大域中我獨知之濠上案此

則師川久已無渭陽之情矣且藉閣寺以進身倒行  
逆施皆晚年之事以邦昌名其婢頗覺可嘉特表出  
之

栖雲花月小坡僊元祐儀型屬後賢天寶遙遙千載事

又從詩酒薦青蓮

山堂肆考宋趙達資州人累遷至中舍高宗以其文  
章似蘇軾人號為小東坡有棲雲集行世 歷代臣  
鑑張浚與趙鼎共政多所引擢從臣朝列皆一時之  
望人號為小元祐 清容集跋汪龍溪外制草崇觀  
詞臣以扇對全語為高獨龍溪先生痛埽時弊盡復  
元祐之舊不幸為秦氏子擯斥 劍南集題跋孝宗  
一日御華文閣問周益公曰今代詩人亦有如唐  
李白者乎益公以放翁對由是人競呼為小李白

虎頭金甲列前扃天眷牛車去不停尋得周家姊妹帖  
朔風腸斷讀零丁

楓窗小牘靖康已前汴中門神多番樣戴虎頭盔而  
王公之門至以渾金飾之識者謂虎頭男金飾便是  
金人在門也弔伐錄太上皇太上皇后鄭氏至金  
營諸王嬪御以下罪至親王二十八人帝姬一十五  
人皇太子一人諸王男女一十六人三朝北盟會  
編金人遷天眷於通塞州去燕山府一十五百里給  
田十五頃令種蒔以自養經濟類編上皇離青城  
金人以牛車數百乘載諸王後宮皆金人牽駕不通  
華言放翁題跋周侍郎尋姊妹帖方建炎多故羣  
盜如林士大夫罹禍有盡室不知存亡者觀周公所  
書可為流涕案東漢戴良有  
尋父零丁即今尋人帖子也

八罪彈章上玉階育翁負鼓唱荆釵梅溪莫笑元辰命  
曾憶無衣卧學齋

王宗沐續資治通鑑侍御史王十朋論史浩懷姙悞國等八罪遂罷浩知紹興府天祿識餘玉蓮王梅溪先生十朋之女孫汝權宋進士與梅溪為友敦尚風誼先生劾史浩八罪汝權實慙患之史氏所最切齒遂妄作荆釵傳奇謬其事以蠱之升菴外集潛說友宋安撫使今傳奇王十朋有此人訛為錢餘姚許浩賦荆釵百詠鞠坡叢話王十朋云術者謂予命犯元辰故仕輒已予笑曰有是哉戲作問荅語又王十朋寓居臨安偶值乍寒諸生有陳元佐劉士宗各借以衣童生謝偉謝侃濟以衾因作二詩以贈

宋王十朋字龜齡撰梅溪奏議三卷史緯陳之茂嘗毀浩浩擬之茂進職上曰卿以德報怨耶浩曰



臣不知有怨若以為怨而以德報之是有心也莫濟  
詆浩尤甚浩薦濟掌內制上曰濟非議卿者乎浩曰  
臣不敢私害人按史載史浩寬  
厚如此荆釵之作果何為耶

禪牀夜午春生夢書閣燈青月覆香一種痴情何處是  
風流都入選優場

古今女史宋女貞觀陳妙常尼年二十餘姿色出羣  
詩文俊雅工音律張于湖授臨江令宿女貞觀見妙  
常以詞調之妙常亦以詞拒詞載名媛璣叢後于湖  
故人潘法成私通情洽潘密告于湖以計斷為夫婦  
即俗傳玉簪記是也 警心錄陳淳祖為賈似道之  
客守正為諸客所疾內人亦惡之一日諸姬爭寵密  
竊一姬鞦韆藏淳祖牀下意欲并中二人也賈入齋見  
之心疑焉夜驅此姬至齋門誘之淳祖不答繼以大

怒賈方知其無他遂勸諸姬得其情由是極契  
淳祖後遂有知南安軍之命金元院本演其事

一餅清甌雪點初晚香和月入簾疎空傳舊樣紅綾袋

貢錄先將小鳳除

咸淳臨安志周必大賜筆記次韻詩天香謾炷薰常  
歇貢茗虛霑樣頓殊晨壁搖風愁暮冷夜窗透月喜  
簾疎註雖賜香而火禁甚嚴不許炷爐諸位總賜茶  
三百斤舊每斤即一紅綾袋凡十餘團今乃給黃袋  
拆而分之以一餅為一斤殆典吏移易也北苑茶  
錄先人作茶錄當貢品極勝之時凡有四千餘色紹  
興戊寅充攝事北苑閱近所貢皆仍舊其先後之序  
惟躋龍團勝雪於白茶之上及無興國岩小龍小鳳  
益建炎南渡有旨罷貢三之一而省去之也五襍  
組茗有片有散片者即龍團舊法散者則不蒸而乾

之如今之茶也始知南渡  
之後茶漸以不蒸為貴矣

丞相生辰駟使聞四方車馬已紛紛漫諄天慶觀中列  
不及高家九錫文

續資治通鑑韓侂胄却生日賀儀仰奏官徧行闕報  
時士大夫或獻紅錦壁衣承塵地衣之屬修廣高下  
皆與中堂等有獻紅牙果卓正珠搭檔遇生日大臣  
以下皆排列所獻於天慶觀之廡下都人競往觀焉  
談薈韓侂胄生日高似孫獻詩  
九章每章用一錫字以寓九錫

呵殿歸來報舉觴迎門三十六鴛鴦南園又有閒風月  
蚤逐笙歌過別房

王宗沐續資治通鑑韓侂胄愛妾張譚王陳四人皆知郡夫人丹鉛錄寧宗時武學生華岳池州人上書極論韓侂胄之惡并詆程松之納妾倪傑售妹蘇師旦獻妻書奏侂胄大怒下之大理貶建寧園土中死於獄近觀歷代名臣奏議可謂詳矣而岳奏不在其中故表出之

夜半中宮調虎符軟纏能敵鐵鞭無九重尚技追回淚  
去國誰憐趙汝愚

四朝聞見錄虎符半在禁中半在殿巖開禧間慈明陰贊寧皇誅侂胄出御批授錢象祖象祖授殿岩夏震震遣其帳下鄭發王斌邀韓車於六部橋徑出玉津園夾牆韓身裹軟纏用鐵鞭中韓陰乃死地名磨刀坑又寧皇時聞韓出玉津園亟用牋批殿司前往回韓太師慈明持牋泣且對上云若欲追回他我請

先死寧皇救淚而止  
宋史建炎改鑄虎符樞密院主之其制刻篆中分  
說纂趙汝愚橫遭謫去國之日天為雨血京城人以盆盎貯之色殷然  
宋史本傳史彌遠錢象祖等赴延和殿以殭侂胄聞帝不之信越三日帝猶謂其未死蓋  
是謀悉出中宮帝初不知也

行間江南孰自謀私財官物已都休出師不草當時詔  
伴簡何來雙髑髏

弘簡錄金購得侂胄族人韓元靚使行間於宋送令渡淮宋督府邱密奏之宋方欲盟即遣密護元靚北歸因密諭密使歸罪邊將以請和  
四朝聞見錄開禧兵端既啟國用漫虧侂胄上表自謂家藏先朝錫予金器六千兩上之寧皇優詔允其請天下笑韓之欺君  
筆塵韓侂胄出師數劬自悔失圖私出家財

二十萬以助軍興而募人持書赴金求和然竟不免  
於函首 朝野襟記韓侂胄將舉兵先以業正則直  
學士院蓋藉其名使草出師詔也正則喻其意堅辭  
三四於是用李壁草之 宋元通鑑嘉定元年王柵  
以韓侂胄首蘇師旦首至金金主璟御應天門備黃  
麾立仗受之百官上表稱賀懸二首并畫像於通衢  
令百姓縱觀然後漆其首藏於  
軍器庫遂命完顏匡等罷兵

袈裟偏袒醉醺醺多少山靈奉事殷不引紅粧看花棒  
風流傳得起棺文

靈隱志道濟侍者台州李氏子初參瞻堂知非常僧  
然飲酒食肉有若風狂監寺不能容瞻堂云法門廣  
大豈不容一顛僧人遂不敢言及遠公既寂出居淨  
慈在本山有化竈靈隱至錢唐門街道疏 淨慈寺

志神運井在香積廚內泉極甘冽皎馬沖照其下縱  
廣約二丈餘窺深悸魂內外引汲不竭嘉定時有六  
甲神常協僧道濟運木於此故云相傳其舁與江水  
通又名通江又濟顛常為陶師兒作起棺文下火文  
古杭襟記杭州市肆有喪之家命僧為佛事必請  
親戚婦人觀看主母則帶養娘隨從養娘首問來請  
者曰有和尚弄花棒鼓否而請者曰有則養娘爭肯  
前去花棒鼓者謂每舉法事則一僧三四棒鼓輪轉  
拋弄諸婦女競觀之以為樂案陶  
師兒事已詳第四卷中茲不多列

封章誰道左司賢獨秉鈞衡十七年癡漢滿朝緣底事  
金人歲歲問胡銓

甘露園短書胡澹菴上高宗封事是范左司璫作范  
擬上澹菴慮其親老禍且不測取以為已意上之非

澹菴筆也今人知有澹菴而不知有范璿范璿之不  
幸耳昨非菴日纂紹興末朝士多饒州人時人語  
曰諸公不是癡漢宋裨類鈔乾道初金使來猶問  
胡銓今安在張魏公曰秦檜持柄十九年只成就得  
一個胡邦衡考談薈宋申王檜以紹興八年右僕  
射同平章事再擅政進少保太師以二十七年殂凡  
十七年案胡銓撰忠簡奏議四卷

得遇天家畢骨董虛將薰染供郊園金龜已苦多尸氣  
彝鼎輸他列死軒

三朝北盟會編畢良史字少董以買賣古器書畫赴  
行在思陵方搜訪古玩恨未有辨其正偽者得良史  
甚悅月給俸二百千而食客滿門時號貧孟嘗後權  
知東明縣搜求古器書畫復載以達行在人又號之



卑骨董紫桃軒襟綴古鼎彝昏黃銅今人得之地  
中者歲久色變自應爾今郊廟所製乃用藥薰染作  
蒼黑此何理然則藥燒銅物已起於宋矣癸辛襟  
志景定中向若水墓為賊所劫其棺上為一榻盡貯  
平日所愛法書名畫時董正翁得其蘭亭一卷正定  
武刻也後有名士跋語甚多其精神炯炯透出紙外  
正翁極珍之然尸氣所侵其臭殆不可近或教以檀  
香能去尸氣遂作檀香函貯之然付之庸工裝潢頗  
為裁損所謂金龜八字云研北襟志畢少董命所  
居之室曰死軒凡所服用皆上古壙中之物玉如彼  
是也含蟬

煙飛小朶斲雲根梅子青青客打門詩酒四時春萬樹  
紅亭却建別家園

太平清話范石湖小峨嵋靈壁石也煙江疊嶂太湖石也天柱峰英石也皆歸休時閒玩語林范至能喜啖梅人嘗致一斛盃至能食之須臾而盡酒小史范至能有萬里春酒四部彙范至能有雲霞酒弘簡錄張說乾道七年除簽書樞密院事朝論不平中書舍人范成大不草詞說罷為奉祠說語人曰范至能亦胡為見攻指所坐亭曰是材植皆致能所惠案范至能撰石湖集

錦官先進牡丹衾分賜宮袍出上林象尺薰爐寒夜永  
文牕深度美人鍼

文獻通考乾道二年戶部言左藏東西庫每歲所賜賜袍親王宰執以全匹餘裁裂給之請皆照以全匹上從之又賜窄錦袍有翠毛宜男雲雁細錦獅子練鵲寶照大錦寶照中錦凡七等應給賜袍者皆五件

次四件	次三件	次二件	淳熙玉堂襪記十月朔賜
錦襖子	學士院	四金鵬	尚書八搭
下樂	蜀錦譜	建炎三年	始織造
年即舊	廉訪司	潔已堂	初錦院有
色錦等	其名有	八答暈	盤毬
椅	翠地獅子	天下樂	大窠獅子
雙窠雲雁	宜男百花	瑞草雲鶴	如意牡丹
穿花鳳	正紅雪花球露	大百花孔雀	六金魚
紫卑段子	聚八仙	天馬	飛魚
襪	阜大被褥	青大被褥	四色中被
正紅雙連椅背	正紅單椅背	輟耕錄	高宗渡
江後榷場	購求為多	錦標如克絲樓閣	克絲龍水
克絲百花攢龍	克絲龍鳳	紫寶階	地紫大花
五色簞文	小摘珠方勝	鸞鵲	青綠簞文
鸞鵲	百花龍	龜紋	珠玑
紅霞雲鸞	黃霞雲鸞	一名絳霄	青樓閣
			紫荷花

大落花 紫摘珠龍團 青櫻桃 皐方團白花

褐方團白花 方勝盤象 球路 衲 柿紅龜

背 樗蒲 宜男 寶照 龜蓮 天下樂 練鵲

綬帶 瑞草 八花暈 銀鉤暈 細花盤鵲

翠色獅子 盤球 水藻戲魚 遍地 襍花 遍地

翔鸞 遍地芙蓉 七寶金龍 倒仙牡丹 白蛇

龜紋 黃地碧牡丹 方勝 輟耕錄一條厲君太鴻

第六卷 錦標裝池一首註也 今所謂宋錦者其名色

蓋詳於南渡行都矣

向註偶略因錄於此

宸書曾為擬汾陽勲業淮西亦可方一字裏巾一把雪

慚無秦蜀入封疆

山堂考索高宗御書郭子儀傳賜韓世忠又書裴度  
傳賜張浚 三朝北盟會編韓世忠既罷兵柄為樞

密使乃製一字巾入都堂則裏之出則以親兵自衛  
檜頗不喜韓蘄王神道碑王在軍中獨馳騎馬使  
一把雪執信字旗一把雪者其兵之曹號孟趙捷善  
走之人也王庶家傳公為兵部侍郎對殿口陳手  
畫秦蜀形勝利害上大喜之

翠翹筆底散天葩  
豔豔芳容暈曉霞  
樺燭影中二十二  
杏紅箋上寫春華

焦氏說楷翠翹洪內翰侍人題畫竹云翠翹戲筆字  
畫婉媚程大昌題詩戲作風枝斜再惱玉堂宿異  
聞總錄臨安倡女儀二十二名珏頗慧悟能立成詩  
詞予於席間與紙筆即賦詞大略美吾兄弟有鄙江  
英氣鍾三秀之句

千秋廟貌錦江濱獻助謀猷四木君可惜月湖佳子弟

空傳遺墨號昇聞

續成都記武侯祠壁間嵌一小碑上鐫繪像衣冠甚古雅題云丁黼字文伯石埭人也宋嘉定初進士有詩名以忤史彌遠出帥成都元人入蜀公不屈死之詔謚恭愍賜廟誕溪有司春秋祀瀛奎律髓成都太守自國朝以來至今皆畫像云王宗沐續資治通鑑薛極與胡桀鼎子述趙汝述附史彌遠最親用事時人謂之四木清河書畫舫史守之越國公浩之孫衛王彌遠之姪仕終朝奉大夫中年避勢遠孺退居月湖甫田集史守之退處月湖與慈湖諸公講肄為樂寧宗書碧沚二字賜之太平清話宋史守之心非叔父彌遠所為著昇聞錄以寓規諫

九市官街新築成青裙販婦步盈盈三更歌笑明燈火  
巡檢傳呼出御營

渭南集凡都城橋梁道路皆包道成力治之費至緡  
錢百餘萬續文獻通考宋理宗嘉禧中臣寮言蔬  
菜魚肉日用所須販夫販婦所資雖以營升斗若  
皆以官價強取之終日營營錢本乾沒華谷集詩  
天上歸來打六更夢回搔首正曹騰玉霜初三更  
月絳綵猶明九市燈聲徹銅魚催勘箭影斜金雀在  
觚稜帝鄉東望重回首佳氣何時到五陵學詩初  
豪天街夜步詩風不停雲月更清千門繡幕笑歌聲  
御營巡檢無拘束  
走馬天街夜達明

賜來金白耀街衢百藥無如用呪符佛佛不知煩惱界

才辭禁藥即豐都

船窗夜話孝宗嘗患痢德壽憂之過宮偶見小藥局遣使宣之至語以食湖蟹多故至此醫曰此冷痢也用新米藕節以熱酒調服數服而愈德壽乃大喜以金杵白賜之乃命以官至今呼為金杵白嚴防禦家靈隱志天醫波利多乃天醫菩提化身淳熙間居飛來峰山堂肆考杭州慈聖院有呂公池宋乾道間高僧能取池水呪之以施病者輒愈號聖水池遂昌襍錄馬都錄者號靜齋以道法際遇度宗賈平章以海味進謝后啗之泄瀉不止馬進符水飲之而愈因言曰臣上告佛佛繼今他人進飲食不可造次供御言出賈已知之甫出禁門即下臨安府獄面刺雙旗押付豐都寨

歲寒亭外過西村橫幅窗開坐小軒半樹梅花流水上



# 酒標挑出竹籬門

遂昌雜錄孤山之陰一亭在高阜上曰歲寒繚亭皆  
古梅亭下臨水曰挹翠閣皆斗拱砌成極為宏麗蓋  
盧董兩璫以內府錢建西太乙宮又能以其餘資建  
兩閣可謂能事又寶塏下西為善住閣其間有山  
中四時小窗橫幅安樂窩之類其結構皆明敞可喜  
稍西陟為江湖偉觀武林舊事孤山有西泠橋又  
名西村搜采異聞錄都城酒肆皆揭大帘於外以  
青白布數幅為之或掛鉗瓢箬杆時人多詠於詩

才到綸扉捧賜金茅檐曾憶淚雙淋紫衣中貴宣丞相

## 玉海金柈請點心

夢占類考趙雄微時最貧母在無以卒歲夫婦對泣  
次日埽除拾銀一錠重二十五兩由此稍活後入相

例賜白銀百錠既受而缺一錠將以詰守藏吏夢左  
藏庫神告曰某年月日已先借用一錠覺而憶正埽  
除得銀之月日也吹劍錄孝宗詔每日常朝不必  
宣宰相名趙雄奏君前臣名禮也上曰蘇洵嘗言名  
呼而進退之非所以禮貌大臣丞相不必辭宋桀  
類鈔趙溫叔丞相阜陵素喜之且聞其善噉數倍常  
人會史忠惠進玉海容酒三升一日問曰朕作點心  
相請命中貴捧玉海賜酒至六七繼以金柈捧籠炊  
百枚遂食盡  
上為之一笑

食經珍品過堂厨忘却家鄉椒數株書畫悅生別錄上  
空存屈角印葫蘆

貴耳錄天台桐草遠致色味必變乃併桐木致之賈  
相供饌又賈師憲喜苔溪鰻魚趙與可造大盤養

魚千頭作機使灌輸不停魚游泳自得數舟上下通  
運不絕始豐豪賈氏族譜天台賈氏在宋為最盛  
余少在鄉里所聞而知者惟知漢州之奇有遺惠在  
鄉里蜀多美椒漢州解官歸攜其種蒔之其味辛烈  
不減蜀產至今人稱漢州椒云由漢州而下皆仕宋  
有階至承議郎承節郎者而其別出之族有擁旄二  
鎮秉鈞兩朝者蓋甚顯矣云云清河書畫舫賈似  
道留心書畫家藏名蹟多至千卷其宣和紹興秘府  
故物往往乞請得之其名蹟標題見於悅生別錄  
又賈師憲所藏書畫皆有古玉一字印相傳是封字  
又謂之屈角封乃長字也印大將及二寸其篆法用  
李陽冰新意盤屈成文前無此體當是唐時所作又  
有悅生葫蘆印悅生賈堂名也古今法書范神仙  
起居注思陵故物標綾上有曲脚封并悅生葫蘆印  
蓋似道柄國時御府珍秘多歸私家

泉布行都已號繁一時交鈔又番番鏰牌尚寫臨安府  
官券何來天市垣

錢譜高宗建炎通寶 建炎元寶 建炎重寶 紹興元寶 紹興通寶 孝宗隆興通寶 乾道元寶

淳熙元寶 光宗紹熙元寶 寧宗慶元通寶

嘉泰元寶 開禧元寶 開禧通寶 嘉定元寶

理宗大宋通寶 紹定通寶 端平元寶 端平通寶

寶 嘉熙元寶 淳祐元寶 寶祐元寶 開慶元寶

寶 景定元寶 度宗咸淳元寶 少帝德祐元寶

宋史紹興二十八年七月己卯命取公私銅器悉

付鑄錢司民間不輸者罪之 元史劉宣言交鈔所

起宋紹興初軍餉不繼造此以誘商旅為沿邊糴買

之計 至正直記宋季銅鏰牌長三寸有奇濶二寸

大小各不同皆鑄臨安府三字而鑄錢貫文曰壹百

之等之類額有小竅貫以致遠最便於民近有人收  
為鑰匙牌者亦罕得矣二老堂稟志近歲用會子  
持官券耳不知何人目為楮幣遂入殿試御題若正  
言之猶紙錢也乃以為文何耶槎菴小乘臨安天  
市垣耳宋高宗  
南遷建都於此

家筵靜看無聲樂別館爭排鎮宅錢練得桃花繡甲隊  
義兒相送上江船

三朝北盟會編醫官王繼先於宅傍初一別館畜臨  
安名妓劉榮奴其子悅道則畜金昉昉父子聚麀令  
妓女時作歌舞聞淵聖升遐乃令妓女舞而不歌舉  
手頓足為戲名為啞樂於湖州舊館別初大第自都  
下載見錢二十萬貫前往排垛謂之鎮宅錢又陰  
養無賴惡少五百人置桃花甲竹槍牌棒及刀劍等

日夕訓練為殿中侍御史杜革上言令編管福建居住子孫並勒停中興遺史張俊撫諭楚州王勝為中軍統制或譖勝欲殺俊俊以事責勝送建康軍中自效後俊罷樞密勝潛至行在見韓世忠世忠具宴招醫師王繼先飲酒行世忠出勝拜繼先為父繼先見上言勝可大用遂有都統制之命王勝又名王黑龍林泉野記王進為張俊帳下提轄專背印隨行軍中呼為背印王至是除御前諸軍都統制進不恤士卒惟厚結王繼先及內侍以久權士卒皆不嘉之

涑水摩厓孰與詳吳山故牒閱星霜傳來翠墨人休笑  
多少遺文在汴梁

曝書亭集諸壑巷觀厓隄隸書家人卦考業紹翁四  
朝聞見錄吳自牧夢梁錄皆云石壁刊字出司馬溫

公筆獨周密謂是唐人遺蹟後人于石旁刊右司馬  
溫公書六字其實非也家有宋鑑稱紹興六年十一  
月庚辰上諭大臣曰司馬光隸字正似漢人朕有五  
卷日夕置座右所書乃中庸與家人卦皆修身治國  
之道不特玩其字而已今磨厓所刊家人卦後襟以  
樂記篇禮樂不可斯須去身至舉而措之百九十二  
言中庸道不遠人至無入而不自得焉百九十七言  
合乎宋鑑所載當時諸大臣聞思陵面諭請刊於石  
者此王參洧詩有云涑水厓碑半綠苔春遊誰向此  
山來也 拊掌錄紹興九年金歸我河南地商賈攜  
長安秦漢間碑刻求售於士大夫王錫老得一碑無  
一字可辨王獨稱賞不已客曰此何代碑王不能答  
客曰某知之是名沒字碑也一笑而散 三茅寧壽  
觀石刻牒紹興二十年六月勅臨安府三茅堂可賜  
寧壽觀為額故牒

聖經賢史帝王資歲歲尋求詔有司試看獻書皆賜祿  
莫教攔駕進歌詩

山堂肆考高宗渡江獻書有賞或官有家藏者命抵  
家就錄有鬻者即市之 朝野襟記乾道初有衢州  
進士毛日新者以上書補文學 宋元通鑑咸淳十  
年饒州布衣董聲應進諸史纂約兵鑑刑鑑詔充史  
館編校文字 南宋相眼駕過德壽宮回有台州進  
士宗汝夫余宋臣縞素在望仙橋攔駕投進二黃冊  
文字為街司所驅駕過叫呼不已臨安尹為繳進乃  
萬世如見集其前太上慶壽歌頌其後乃追思上仙  
之辭刻板模印有  
旨令毀板押出界

從來解額出前廊風雨青燈汲古堂聞道方州舉貢士



等閒香酒禱皮場

朱子大全文集今以逐州新定解額之半而又析其半為德行之科明立所舉德行之目註云如解額百人則以二十五人為德行科須溪記鈔汲古堂宋公子諸生國學之堂名也堂有井故名德祐鼎遷堂廢學亦燬矣成化杭州府志宋貢院在錢唐門外王家橋試一郡之士謂之方州貢士燕翼貽謀錄汴京試禮部者禱於二相廟二相者子游子夏也二子不知何以稱相今行都試士皆禱於皮場廟不知士人之禱起於何時皮場乃皮剝之所也

案廟在萬壽觀之晨華館與貢院為鄰

上人心折龍州友湖海詩名姓氏芳並枕朱絲絃已斷  
老娼休唱賀新郎

欽定四庫全書

卷一

名蹟錄辛稼軒印曰六十一上人蓋破其姓文也  
鐵崖集龍洲劉公墓表先生名過字改之廬陵人宋  
以詩俠名湖海間陳亮陸游辛棄疾世稱人豪皆折  
氣岸與之交丞相周必大欲客之門下不就公常抗  
疏光宗請過宮屢與時相陳恢復方略謂中原可一  
戰而取詞苑叢談劉改之淳熙甲午預秋薦赴省  
試到建昌二更後有美人執拍來唱一曲侑酒云別  
酒未斟心已醉忍聽陽關辭故里揚鞭勒馬到皇都  
三題盡當際會穩跳龍門三汲水天意令吾先送喜  
不審君侯知得未蔡邕博識爨桐聲君抱負却如是  
酒滿金盃來勸你劉與之偕至臨安果擢第道士熊  
若水謂之曰隨車孃子非人也今夕竝枕吾於門外  
作法君當紫抱之勿令竄逸劉如所戒乃擁一琴耳  
龍洲詞賀新郎自跋云去年秋余試牒四明賦贈  
老娼至今天下  
與禁中皆歌之

敝衣蟲垢去邊陲九廟神靈已建基迎得鸞輿快活地  
龍綃收淚定歌詩

山堂肆考宋道君北狩至五國城衣上見蟲呼為琵琶蟲以其形似琵琶也弘治間錄洪皓居燕十五年會金大赦得還見秦檜語連日不止因述金人言景靈宮太廟土木以為無意中原檜不懌三朝北盟會編初皇太后與喬貴妃相叙為姊妹而貴妃先遭遇遂薦太后亦得幸後北狩二人皆從及金人欲還太后也貴妃舉酒送行勸太后曰姊妹此歸見兒即為皇太后矣宜善自保重妹永無還期當死於此太后慟哭貴妃亦哭又曰姊妹到快活處莫忘了此中不快活太后曰不敢忘今日太后慟不止天眷在旁者皆哭太后自清河而下又車駕如臨平奉迎太后上入幄朝見宰臣及文武百官班幄外起居如

儀上初瞻慈容喜深感極淚濕龍綃衛軍歡聲動天  
地太后進宮滿城士庶夾道聳觀皆以手加額太后  
入居於慈寧殿文武百官上表稱賀亦有獻賦頌雅  
歌稱美聖德者令中書舍人程敦厚第其高下敦厚  
以建昌軍進士章藻為第一知正州張昌為第二  
進士陸渙為第三昌特轉一官進士免文解一次

虹光朗射天垂象鼎峙形成淮作邊送客津亭留不住

一心何願頌三千

劉嶸萬言書今年立春雷震大雪白虹貫日錢唐之  
地實天示象不可不修德以偃之吳伸萬言書兩  
國之勢未解鼎峙之形已分莫視疆場為太輕莫任  
藩籬之太易竊憤錄上皇在北過阿計替出片紙  
上書紹興二字示之曰此南朝新改年號以淮為界  
矣趙丞相行狀公以和議不協罷相出守紹興首

途之日泰檜乞備禮餞於津亭公相揖即登舟檜曰  
得旨餞送公曰議已不合何留之有即叱舟師離岸  
而去格齋四六賀壽皇云心一臣三千願紀嘉名  
於盛際我百爾九十蓋申景命於前規用成語最切  
洽

漫彈雙韻唱如如簫鼓元宵擁繡裾好坐嘯臺恣雅博

莫因家學註蟲魚

癸辛雜志銀花高文虎婢善小唱五百餘曲又善雙  
韻彈五六十套以元宵時近點燈來因取古人詩句  
有銀花垂院榜又銀花無奈冷等句為名時高已近  
七旬喪偶多年買此以待湯藥後攜歸越四朝聞  
見錄高疎寮居近城因城疊石曰南麓麓後高數級  
登汲於甕泄之以管淙淙環珮聲入方池池方四五

尺畫二卦於扁自麓之後登城為嘯臺吹劍錄高  
內翰文虎作西湖放生池記以鳥獸魚鱉咸若作禹  
事其子疎寮作蟹略以林和靖草泥行  
郭索作杜詩父子皆為博學強記所誤

空題御墨金纏幹不見軍容黑大蟲一等英雄沙草外

墓門殘碣卧松風

三朝北盟會編李寶興仁府乘氏人也少無賴號為  
潑李敗金人於渤海廟鶴林玉露上書忠勇李寶  
四守於金纏幹上賜馬齊東野語畢再遇屢遷至  
驍衛上將軍戰馬號黑大蟲獨主翁能御之既死以  
鐵絙羈之偶聞金鼓聲長嘶斷絙而出健卒十餘挽  
歸云將軍已死汝莫生事馬聳耳汪然出涕長鳴數  
聲而死萬厯杭州府志武義大夫畢進子武信軍  
節度使再遇墓並在西溪進兗州人建炎間轉江淮

積階武義大夫再遇以恩補官屢有戰功擢至武信軍節度致仕卒年七十贈太師諡忠毅 案志山埠內有李忠勇公神道碑其墓在馬郡邑諸志皆不載

狀元局內士無雙單騎欣然犯敵幢一自明因辭國去人傳劉洙在清江

文山全集舊例三魁唱名罷賜袍笏謝恩入幕賜御饌進謝恩詩出賜席帽於闕門上馬迎入期集所又名狀元局官給錢物供帳阜隸等於此聚同年待賓客刊題名小錄賜聞喜宴進謝宴詩如此者一月然後率榜下士詣闕謝恩謂之門謝門謝後授初階狀元授承事郎簽書某軍節度判官廳事至後一科放進士榜則前一科狀元召入為秘書省正字名曰對花召 又公平生嗜象夾以其危險制勝奇絕者命

名自玉曆金鼎至單騎見敵為四十局勢圖悉識其  
出處始末玉曆蓋公所居山名也宋元通鑑德祐  
二年命文天祥同吳堅謝堂賈餘慶使元軍見伯顏  
於明因寺伯顏劉公不遣回又文天祥至鎮江與  
其客杜潁等十二人夜忘天祥乃變姓名為清江劉  
洪東入海道又公于寶祐四年廷試第一案明  
因寺臨平鎮尼刹也案癸  
辛襟志狀元局在祥符寺

金隄官宦海波頽祝拜宮中香未灰笳鼓滿城馳鐵騎  
伯顏江上看潮回

山却遺崇題宋宮觀潮圖金堤既成事已非錢唐江  
上開皇畿雕闌玉檻照東海貪看秋潮忘黍離中原  
不復民易主百萬貔貅宿沙渚倚樓望潮潮不來六  
帝同歸一邱土輟耕錄元將巴延遣人入臨安駐




兵錢唐江沙上太皇太后望祝曰海若有靈使波濤大作一洗而空之潮竟三日不至宋元通鑑三月巴延自湖州市入臨安城建大將旗鼓率左右翼萬戶巡城觀潮於浙江又登獅子峰觀臨安形勝雲邁淡墨杭潮三日不至人謂天佑元興然巴延英雄豈有不知錢江如山之濤宿兵其地宋之叛將降卒充物其幕自說効忠豈不諫止濤之不至事或有之元兵必不駐此傳者文以為奇史臣襲之耳

遊北傳聞皆丙子渡江天意屬庚申酒人祇愛梅花好踏遍孤山不計春

兩鈔摘腴宋少帝丙子三月北遊視聽抄宋少帝辛未九月二十八日申時生甲戌正月十一日登位號天端節丙子三月十七日北遊宋高祖劉裕丁亥生庚申即位國號宋丙子渡江國亡凡七百二十年

至趙太祖丁亥生庚申即位國號宋先丙子俘李王  
後丙子大元渡江國亡庚申帝史外聞見錄瀛國  
公初為僧居白塢寺中已而奉詔居甘州山寺有趙  
王者嬉遊至寺憐其老且孤留一回回女子與之延  
祐七年四月十六夜生一子明宗適自北方來發行  
見寺上有龍文五采氣即物色得之因求為子并載  
其母以歸甘露園短書順帝即瀛國公稱合尊時  
所生之子元世祖以庚申立立十五年而取宋順帝  
即以庚申生十三年而取元又初文宗欲立順  
帝為皇太子順帝乳母言非帝子又言明宗亦自謂  
非其子遂謫居靖江汧詞紀事續鈔劉靜修閏元  
伐宋乃賦渡江題梅曰西風吹落戰塵沙夢想西湖  
處士家曰恐江南春減猶夫賦也案庚申帝史外  
聞見錄權衡撰叙元順帝三十六年在位事謂之庚  
申帝者微詞也案通鑑博論寧王奉太祖詔編次直  
書為瀛國外婦之子綿延宋末六更之讖果其然與



南宋襟事詩卷一